

## **Peranan Keluarga Kepada Pembentukan Kendiri Remaja**

Azizi bin Hj Yahaya

Kebanyakan masalah remaja kini bertitik tolak dari kepincangan yang wujud dalam institusi keluarga remaja itu sendiri yang membawa kepada pelbagai kesan negatif terhadap remaja tersebut. Oleh itu, usaha ke arah pemantapan institusi kekeluargaan dipercayai merupakan salah satu jalan penyelesaian kepada pelbagai masalah di kalangan remaja masa kini

Ibu bapa seharusnya memahami dan mengetahui perkembangan alam psikologi remaja, pada peringkat ini remaja memerlukan perhatian dan bimbingan serta kasih sayang dari ahli keluarga. Ibu bapa seharusnya merapatkan jurang pergaulan dan hubungan dengan meluangkan masa berbincang secara bersemuka, bagi mengelakkan konflik serta sentiasa mehormati serta memberi penghargaan kepada anak-anak remaja mereka berserta ajaran dan amalan agama.